

Հիւսէին Շահի մօտ . իսկ նրա գործակից Մինաս վարդապետը մնաց Ռուսաստանում՝ Հայ մեկիքների անունից բանակցութիւնները շարունակելու համար :

Պետրոս Մեծի այդ ձեռնարկութիւնը աւելի խանդավառեց Հայերին : Ամէնքը արդէն հաւատում էին մօտալուտ ազատութեան :

Վերադառնալով Ռուսաստան , Օրին միանգամայն նպաստաւոր զեկուցում տուեց տիրող պայմանների մասին — Պարսկաստանը քայքայուած , կռուի անընդունակ , իսկ Հայերն ու վրացիները պատրաստ ապստամբութեան դրօշակ պարգելու : Միայն Շամսիում եւ շրջակայքում 17,000 զինուած Հայեր , կազմ ու պատրաստ , սպասում են ցարի հրամանին :

Պետրոս Մեծը սգեւորուած — ըստ Յովսէփ արքեպիսկոպոս Արղութեանի Եկատերինա կայսրուհուն ներկայացրած 1790 թ . Յունուար 23 յուշագրի1) — խոստանում է 40,000 զօրք զնել Օրիի արամազրութեան տակ՝ Հայաստանի ազատութեան համար եւ Շահի ուղարկած 200,000 բուբլու նուէրներն էլ պատերազմական ծախսերին յատկացնել : Սակայն Օրին համեստօրէն հրաժարուած է այդ մեծ պատուից , որպէս «ազնիւ մարդ» :

Այդ դէպքում Պետրոսը խոստանում է անձամբ զօրքի զլուին անցնել եւ արշաւել Հայաստան :

Լուրը Օրին շտապով հաղորդեց Հայ մեկիքներին : Խանդավառութիւնը անկարագրելի է : Հայրենիքի ազատութիւնը այլեւս երազ չէ , այլ շուտով իրականացող մի փաստ :

Եւ սկսում են տենդագին պատրաստութիւնները : Զինուած եւ կազմակերպուած է Հայ զօրքը , մանաւանդ Ղարաբաղի ու Սիւնեաց լեռներում , անհամբեր սպասելով ռուս բանակի մօտենալուն :

Այդ ժամանակներում տեղի ունեցաւ աֆղանների ապստամբութիւնը , որի հետեւանքը եղաւ Շահ Հիւսէինի զահրնկեցութիւնը եւ Կովկասեան Լեռնականների արշաւանքները դէպի պարսկական երկիրները , մինչեւ Հայաստան :

1) Հաւաքածոյ Հայ ժողովուրդի պատմութեան վերաբերեալ փաստաթղթերի , Բ . եր . 54 , Մոսկուա , 1838 .

տան : Պարսկաստանը նոր ալեկոծութեան մէջ էր եւ ուրեմն պայմանները միանգամայն նրպաստաւոր էին ռուսական զօրքերի յառաջխաղացութեան համար :

Ու Պետրոս Մեծը , բանակի զլուին անցած , մօտեցաւ Կասպից ծովափին : Հայ մեկիքները , վրաց Վախթանկ թագաւորի հետ միաբանած , 40,000 զօրքով զնացին նրան դիմաւորելու Կուր գետի ափերի վրայ :

Մագում էր ազատութեան արշալոյսը երկու բախտակից ժողովուրդների համար :

Բայց դժբախտաբար , Դերբենդը , Բագուն եւ Գիլանը դրաւելուց յետոյ՝ Պետրոսը անըսպասելիօրէն յետ դարձաւ դէպի իր մայրաքաղաքը , Հայերին թողնելով թշնամիների կատաղութեան զոհ :

Առաջինը յարձակուեցին օսմանցիք պարսկական հողերի վրայ՝ վրէժխնդիր ռուսական միջամտութեան համար արեւելեան գործերում : Նրանց շուտով միացան նաեւ պարսիկները : Բայց կարծես այդ դեռ քիչ էր , Կովկասեան Լեռնականներն էլ երրորդ կողմից , Վրաստանն ասպատակելով , հասան մինչեւ Հայաստան — աւերելով , այրելով , կոտորելով եւ դերի վարելով : Սկսուեց մի իսկական դժոխք հալութեան համար :

Այսպէս , ամէն կողմից թշնամիներով շրջապատուած՝ Հայ մեկիքներն ու իշխանները մի կողմից՝ քաջութեամբ կռուում էին իրենց բազմաթիւ թշնամիների դէմ , իսկ միւս կողմից էլ անդադար օգնութիւն էին հարցում Ռուսաստանից : Հակառակ դէպքում նրանք խնդրում էին գոնէ Պետրոս Մեծի թոյլտուութիւնը Կասպիականի նորանուած ափերը զաղթելու համար :

Եւ Պետրոսը սիրով ընդունեց Հայ մեկիքների այդ վերջին առաջարկը , միեւնոյն ժամանակ հարկաւոր կարգադրութիւնն անելով Դերբենդի կոմենդանտ գեն . Կրօպոտովին :

Մինչդեռ Հայ երեւելիները պատրաստուած էին իրենց տնով-տեղով ու մարդկանցով դէպի ռուսական հողը զաղթելու , յանկարծ լսեցին Պետրոս Մեծի մահը (1725) եւ այդպիսով նըրանց մտադրութիւնը մնաց անկատար :

Այժմ նրանք ստիպուած էին մնալ իրենց Հայրենիքում եւ անհաւասար կռիւր շարունա-